

COMUN

Deache dal 01 de forà 2022 inant é l'azes ai ofizi publics ma plü conzedü a chi che á le greenpass (3G), resta por motifs d'organisaziun la porta dla ciesa de comun sarada. Chi che á le greenpass pó soné a porta y la porta ti vëgn daurida; ti ofizi gnarál spo controlé le greenpass.

Al vëgn lascé alsavëi che la convenziun cun la nodadoia da Raiscia, aladô de chëra che i residënc tl Comun de San Martin de Tor ciafa na reduziun sön le prisc d'entrada da jí te nodadoia, vel ince por l'ann 2022; al vëgn conzedü na reduziun dl 20% por chi che á na familycard (sce altamo un n genitur vá cun un/öna n/a möta, ciafa entrami na reduziun dl 20%, sc'ai vá ma susc él ma 10% de reduziun) y dl 10% por na entrada singola.

PLOANIES SAN MARTIN Y LUNGIARÜ

Orëise ciaré do sc'i ëis respognü dërt ales domandes dl Quiz dl'ultima domënia?

- 1) dal apostul Paul;
- 2) bele dan i 4 vangeli ti agn 54 o 55;
- 3) a Efesus;
- 4) tla Grecia;
- 5) por grech;
- 5) cristians;
- 6) carisma;
- 7) l'amur;
- 8); 14 lëtres.

SAN MARTIN

Al vëgn indô bel perié do le contribut por scialdé la dljia, che vëgn trat ite:

- en sabeda 5 y domënia 6 de forà y
- en sabeda 12 y domënia 13 de forà

Chi che ó pó ince paíe por banca IBAN IT 11 J 08010 58830 000304004922.

La Uniun di Èi da San Martin reingraziëia por la partezipaziun ala lita di surastanc dla uniun y ti dij dër bel dylan a Leo Crepaz, Walter Zingerle, Heinz (Heinrich) Videsott y Franz Ploner che á azeté l' inciaria.

LUNGIARÜ

La domënia di 06 de forà é protlamada sciöche "Dé dla Sconanza dla Vita"; porchël él la Uniun dles Ères che á arjigné por duc i viadus nasciüs tl 2021 na ciandëra che vëgn benedida tratan mëssa y che i geniturs pó se tó a ciasa sciöche sëgn de reconescënza dla vita nöia.

Döt le bun a chi che complësc i agn de forà

a San Martin: siur Heinrich Perathoner che nen complësc 81 ai 11
Tile Dapunt Pedevilla che nen complësc 87 ai 16
Oliva Winkler Vanzi che nen complësc 85 ai 18
Sepl Frenner che nen complësc 84 ai 19
Anna Pedevilla Planatscher complësc 84 ai 24

a Lungiarü: Albino Dejaco che nen complësc 82 ai 6
Severina Costa che nen complësc 91 ai 7



Plata dles Ploanies San Martin y Lungiarü

ploan siur Klaus Sottas 344 15 54 055 - klsottas@rolmail.net
curat siur Heinrich Perathoner 339 65 74 213
redaziun anton.gasser@rolmail.net - 348 27 44 517 / 0474 523 194



www.valbadiaonline.it/comunita

30.01. - 06.02.22 nr. 10

ultimo termo por comunicaziuns: jöbia, dales 20.00

4ª DOMÈNIA IA POR L'ANN - C

Vangele do Lùca 4,21-30

Süa pordica gnô tuta sö bëgn da duc; ai se fajô demorvëia, coch'al savô da baié y dijô: Ne n'é nia chësc le fi de Ujöp? Mo ël ti à respognü: Dessigü me tirëise dant le proverb: Mede, varëscete te instës! Sce t'as bele fat a Cafarnaüm de te'gran cosses, coch'i ùn aldì, spo fales incé chilò te túa patria! Y al à injuntè: Amen, i ves diji: Degun profet ne vëgn reconesciü te süa patria. Veramënter, chësc ves diji:

Te Ìsrael ël n gröm de vëdues en chi dis de Elia, canche le cil ê stlüt por trëi agn y sis mëisc y al ê gnü na gran ciarestia sura döt le raian. Mo a degöna de chëres ne ti él gnü ortié Elia, mâ a na vëdua a Sarepta dlungia Sidonn. Y al ê tröc levrusc te Ìsrael al tëmپ dl profet Eliscia. Mo degügn de chi n'é gnüs varis, mâ Nàamann, le sîrach. Canche la jënt tla sinagoga â aldì chësc, s'ài dessënë y



Trëi punc de reflesciun podessun se tó da chësc vangele:

1. I n'orun nia resté imbrunciá sura te nostes credënzes y tacá a nostes usanzas sciöche la comunité da Nazaret, y se stlùje a ci che nes vëgn adincuntra de nü. Co tolessun pa nos sö Gejú sc'al se presentass incö?
2. Idí â ciaté deplü fede te porsones che viô defora dai confins dl popul de Ìsrael, sciöche pro la vëdua da Sarepta o pro le levrus dla Siria. Magari podunse imparé da d'atri, da süa fede, da so comporamënt un cun l'ater, da sües speranzas y da sü dejiars.
3. Cun chisc ejëmpli ti dë Gejú a chi da Nazaret da capí: Os ne se daidëis nia fora un cun l'ater tla meseria y aspetëis plütosc che l'aiüt vëgnes dal cil. I ne fajëis nia osc dovëi da fis dl Pere tl cil. Soportassun mo i discursc de Gejú al dedaincö?

EDEMA	SAN MARTIN	LUNGIARÜ	SANT OJÖP FREINADEMETZ
30.01.22 4^a DOMËNIA - Ann C <i>Festa de Sant Ojöp Fr.</i>	9.00 Corona 9.30 Gran Messa por la comunité en onur de Sant Ojöp Freinademetz dl ann + Pire Unterweger dl ann + Sepl Flöss, d'Arzó	7.50 Corona por + Marino Clara en onur de Sant Ojöp Freinademe 8.15 Gran Mëssa por la comunité en onur de Sant Ojöp Freinademetz	L'inom nù "Fu Shen Fu" (<i>prou dla ligrëza</i>) che ti ê gnü dé al miscionar Ojöp Freinademetz, le quant cinesc y la trëcia lungia ne bastâ nia da fâ de êl na porsona nôia. Al ê resté europeich y n ladin. Mo al â lauré sön se instës, al â ponsé sura y ê rové a chësta concluiun:  “Al me resta da fâ la cossa plü importanta: la converjiun daite te mia porsona: Imparê da ponsé y da odêi tla manira di cinesc, tignî cunt de sües tradiziuns y usanzas, de so carater y sües inclinaziuns. Chësc n'ê nia na chestiun de n dé, gnanca de n ann; y al ne sozed nia zënza val' operaziun che fej me.” Cun chëstes parores â Ojöp Freinademetz formulé, zënza savëi, so program de vita: impröma de döt, fâ ci ch'al é meso por capî y azeté i atri, i cinesc. Cun d'atres parores: al pënza a süa vocaziun. Al ne se trata nia tan dl suzes o dl insuzes dl miscionar, mo dl'opera de redenziun de Gejü Crist. Al ne sënt gonot nia, sc'al dess pité dal dolor o iubilé dala ligrëza.
31.01.22 Lönesc <i>Giovanni Bosco, Eujeb</i>			
01.02.22 Dedolönesc <i>Brighita, Giovana</i>	19.00 Mëssa a d'intenziun fam. Martin y Teresa Costalunga de rengraz. di toc da bato y da confermé + Ida Clara Verginer (dl ann)		
02.02.22 Dedemesaledema Presentaziun dl Signur, <i>Santa Maria dles ciandëres</i> <i>De dla vita consacrada</i>		14.15 Benedisciun de San Blaje por mituns y mitans 19.00 Mëssa dla Presentaziun dl Signur dl ann + Serafin Clara + + Costa, Ostí Vedl Benedisciun de San Blaje	
03.02.22 Jöbia <i>Blaje, Oskar</i>	14.15 Bened. de S. Blaje por mituns/ans 19.00 Mëssa dla Presentaziun dl Signur a d'intenziun Benedisciun de San Blaje		
04.02.22 Pröm vëndres <i>Rabanus Maurus, Veronica</i>	Domisdé: Provijiun di amará 18.30 Adoraziun chîta 19.00 Mëssa + + Tolpeit, Ju + Ida Dariz	7.00 Adoraziun 7.30 Mëssa fam. Franz Schanung, Caizer + + Orsola y Claudia Puntel (dl ann) + Pire Clara, Mair Danmisdé: Provijiun di amará	
05.02.22 Sabeda <i>Injeun y Albuin, Agata</i>	19.30 Mëssa prefestia de rengraz. fam. Maria y Hermann Costabiei + Maria Zingerle vis y def. fam. Giovanni Chizzali + + Maria y Siegfried Zingerle, Col	18.00 Mëssa prefestia 3° de sopoltöra + Marino Clara aniv. + Vinzenz Clara, Postin	
06.02.22 5^a DOMËNIA - Ann C <i>De dla vita</i>	9.00 Corona (<i>siur Klaus</i>) 9.30 Gran Messa – De dla Vita por la Comunité de rengraz. a siur Heinrich Videsott dl ann + Giovanni Pescoller + Giovanni Flöss (dl ann)	7.50 Corona (<i>siur Klaus</i>) 8.15 Gran Mëssa – De dla Vita por la Comunité por duc i geniturs che á albü n viadú tl 2021	